
Code of Conduct for våre forretningsforbindelsar

Dette dokumentet er ei oppsummering av dei viktigaste forventingane til våre forretningsforbindelsar sin etiske standard.

Med forretningsforbindelsar inkluderer vi alle som Bremnes Seashore-konsernet gjer forretningar med, til dømes leverandørar, kundar og distributørar.



Helsing frå konsernsjefen

Code of Conduct er vår etiske standard i Bremnes Seashore-konsernet, som er retningsgivande for korleis vi skal oppføre oss i arbeidskvardagen. Standarden skal bidra til at vi tar gode og rette val som samsvarer med verdiane våre: utvikling, truverd og arbeidsglede.

Konsernet er inne i ei spennande tid. Krav og forventningar aukar, ikkje berre frå oss sjølve, men frå resten av samfunnet rundt oss. Vi må ta dei rette vala og vise god forretningspraksis, slik at vi er med på å sikre omdømet til oss sjølve og næringa, framtidig drift og dermed våre eigne arbeidsplassar.

I tillegg til mine forventningar til oss som arbeidar i konsernet har eg også høge forventningar til at alle våre leverandørar og forretningspartnarar skal vise god etisk forretningspraksis.



Vi skal møte alle med respekt og bidra til eit oppe og inkluderande arbeidsmiljø. Mangfald skal vere ein styrke for oss, og alle skal ha like moglegheiter!

Linda Aase • konsernsjef
Bremnes Seashore-konsernet

Kva ligg til grunn for vår etiske standard?

Visjon - Kvar skal vi?

Vi set den nye globale
standarden for kvalitetslaks

Styrande prinsipp - Kva definerer vår suksess?



LØNNSEMD



MILJØ



KVALITET



FOLK

Verdiar - Kva skal vi leve opp til?



UTVIKLING



TRUVERD



ARBEIDSGLEDE

Etisk standard for våre forretnings- forbindelsar

LOVER OG REGLAR

Det er viktig for oss at våre forretningsforbindelsar lever opp til ein høg etisk standard og alltid opptre i samsvar med alle lover og forskrifter som regulerer verksemda deira – både lokalt, nasjonalt og internasjonalt.

Vi forventar vidare at leverandørane våre set seg inn i vår Code of Conduct, og at dei deler verdiane og den etiske standarden til Bremnes Seashore-konsernet.

HELSE, MILJØ OG SIKKERHEIT

Helse, miljø og sikkerheit (HMS) har hovudprioritet i alle aktivitetane til Bremnes Seashore-konsernet. Vi bryr oss òg om HMS-standarden til våre forretningsforbindelsar. Det betyr mellom anna å sørge for eit sikkert og sunt arbeidsmiljø for sine tilsette.

MENNESKERETTAR OG ANSTENDIGE ARBEIDSFORHOLD

I Bremnes Seashore-konsernet respekterer vi menneskerettane. Vi forventar det same av våre forretningsforbindelsar, og krev difor at de følger internasjonalt anerkjende menneskerettsstandardar og sørger for anstendige arbeidsforhold. Dette inneber at de må:

- Ta avstand frå tvangsarbeid og støtte avskaffing av barnarbeid
- Utføre all aktivitet utan noko form for diskriminering basert på rase, etnisitet, nasjonalitet eller anna opphav, funksjonshemming, alder, kjønn, seksuell legning, språk eller religion
- Sørge for at løna og arbeidstida er i tråd med gjeldande lovgiving og industristandardar, og der arbeidstakarrettane blir ivaretekne
- Respektare ytringsfridomen og retten til organisering
- Kommunisere konstruktivt med representantar for lokalsamfunna der de har aktivitet
- Sette tilsvarende krav til dykkar underleverandørar

MILJØ OG FISKEVELFERD

Bremnes Seashore-konsernet støttar førevar-prinsippet for miljøutfordringar, og kartlegg systematisk korleis drifta vår påverkar miljøet. Vi arbeider for eit stadig lågare miljøavtrykk frå vår verksemd. Vi ønsker same praksis frå våre forretningsforbindelsar.

Der det kan vere aktuelt, skal våre leverandørar også bidra i konsernet sitt arbeid for betre fiskehelse.

ANTI-KORRUPSJON OG ØKONOMISK KRIMINALITET

I Bremnes Seashore-konsernet er vi opptekne av god forretningsskikk, der vi heile tida skal opptre etisk og ansvarleg. På same vis forventar vi at leverandørane våre tar avstand frå uærlige eller korruperte forretningsaktivitetar. Dette inneber mellom anna:

- Nulltoleranse for alle former for korrupsjon, inkludert indirekte korrupsjon og påverknadshandel
- Nulltoleranse for bestikkingar av offentlege tenestepersonar
- Nulltoleranse for direkte eller indirekte kvitvasking av pengar frå kriminell verksemd
- At de støttar fri og rettferdig konkurranse gjennom forbod mot avtalar eller oppførsel som avgrensar rettferdig konkurranse

VÅR SAMHANDLING

Det er viktig for oss at all samhandling mellom Bremnes Seashore-konsernet og våre forretningsforbindelsar er ryddig og transparent. Dette betyr mellom anna at våre forretningsforbindelsar må vise varsemd med gaver til våre tilsette.

Forretningsforbindelsar må vere merksame på potensielle interessekonfliktar med våre tilsette, våre konkurrentar og offentlege tenestepersonar som er relevante for oppdraget.

I Bremnes Seashore-konsernet forventar vi medverknad og openheit i vår oppfølging av forretningsforbindelsar, og vi reknar med leverandørane si deltaking i oppfølginga av eventuelle brot på lover og reglar, vår etiske standard og avtalevilkåra.



Varsling av kritikkverdige forhold

Vi har oppretta ein varslingskanal for leverandørar, kundar, samarbeidspartnarar og andre interessentar, og forventar at våre forretningsforbindelsar melder frå om kritikkverdige forhold. Dette kan vere brot eller moglege brot på Bremnes Seashore-konsernets etiske standard eller gjeldande lovgiving.



EKSTERN VARSLINGSKANAL:

Skan QR koden eller [klikk her](#)

FULLSTENDIG CODE OF CONDUCT:

seashore.no/coc